



Synfocity = 1036

mail us at : mzsynfo@gmail.com; mizoramsynod@gmail.com - Phone - 2314648

June 4, 2026

❑ Synod Executive Committee (SEC) vawi 319-na an ðhu

June 2-4, 2026 chung khan Synod Executive Committee (SEC) vawi 319-na chu J.M. Lloyd Hall, Synod Office-ah an ðhu.

Þhut khawm hi Rev. John Raldosanga, Synod Moderator-in a kaihruai a, Rev. B. Zohmangaiha, Synod Secretary-in report a pe a, Rev. Dr. K. Lallawmzuala, Finance Officer-in report a pe bawk.

Secretary report-ah hian Pastor zir lehte leh zirna hmuna awmte induction/installation tuang taka neih a nih thu te, PCI 46th Biennial General Assembly tuang taka neih a nih thu te, Jordan Centre, Seþhawn tlawh a nih thu te, Synod Office leh Synod Office Annex buildinga lei (steel bridge) siam tur chungchang te, Synod Trust hnuai building hrang hrang sak mek report te, Synod Hospital panna kawng siam chungchang te, MUHCS hman mek chungchang te, Central Region Missionary Retreat neih a nih thu te, Womens Ordination chungchanga Consultation neih a nih thu te, Synod hnuai zirna school hrang hrang report te, RC leh RL pek chhuah dan te leh April 2025-March 2026 inkara Synod sum dinhmun te tarlan a ni.

Tun ðumah hian thurel tura chhawp chhuah 60 a awm a, chung zingah chuan Kristian Þhalai chanchinbu agent kum 10 ðangte chawimawina pek chungchang leh chawimawina hming atan mimal hming hman chungchang te, Kolasib-a Counselling Centre hmun tur lei rawtna te, India rama sakhaw zalenna a awm theih nana hmalak chungchang te, Sipai Pastor-a lut an awm theih nana buaipuitu siam chungchang te, SMTC tihchangtlun dan tur chungchang te, Presbyterian Bible School inkaihhruaina dan enþhat chungchang te, Jordan Centre, Seþhawn kalpui zel dan tur ruahmanna te leh Synod Press kalpui zel dan tur ruahmanna te a tel a ni.

❑ Central Region Missionary Retreat vawi 5-na tuang taka neih a ni

May 28-31, 2026 chung khan Luangmual Kohhran Biak Inah Synod Mission Board buatsaihin Central Region Missionary Retreat vawi 5-na neih a ni a. Retreat Thupui 'Phuarna leh Hrehawmnain a hmuak che' (Tirh. 20:23) tih a ni a, speaker Rev. Dr. Rosiamliana Tochwawng, Executive Secretary a ni.

May 28 (Ningani) zanah vantlang Pathian Biak inkhawm a awm a, Rev. John Raldosanga, Synod Moderator-in Keynote Address a sawi a, May 29 (Zirtawpni) chhunah paper pahnih - Upa Dr. C. Lalhrekima, Mission Veng leh Rev. Dr. K. Lalhuanawma, ATC te ziah zir ho a ni a, May 30 (Inrinni) chawhmaah rawngbawl zelna tur atana thil pawimawh hrang hrang paper zir ho a ni a, chawhnuah Fakna inkhawm a hun hman a ni.

Zirtawpni zan, Inrinni zan, Pathianni chawhma leh Pathianni chawhnuah te Speaker-in Retreat thupui a sawi a, Pathianni chawhnuah missionary Chatuan ram pan mi pakhat sun a ni a, zanah Rev. R. Lalmingsanga, Secretary, Synod Mission Board-in thuchah a sawi. Inkhawm ban apiangin zaikhawm neih ðhin a ni bawk.

Tunah hian Synod Mission Board hnuai Region pathum - Central, North East leh Home Mission a awm a, Missionary Retreat hi kumtin region inchhawka neih ðhin a ni. Tun ðum retreat-ah hian thawktute leh an chunghte in-report zat chu mi 712 an ni.

❑ Presbyterian English School (PES)

June 2, 2026 (Thawhleñni) khan Hualtu PES tlawhin Upa PC Vanlalhruaia, Supervisor of Schools leh Rev. Malsawmdawngliana, PES Committee member te an kal.

❑ MSSU

June 5, 2026 (Zirtawpni) zan hian Armed Veng North Kohhranah Sunday School Zirtirtu Training neihpui turin Trainer-te, Upa C. Lalbiaksanga, Upa Lalrinawma Ralte leh Upa Dr. HP Lalropuia te an kal ang.

❑ Social Front

June 7, 2026 (Pathianni) hian Zotlang Kohhranah Ruihhlo do & HIV/AIDS Awareness Campaign nei turin Pu Alan Lalmuanpuia, Campaigner a kal ang.

☐ **Synod Relief Fund**

Tun hnaia harsatna hrang hrang tawkte hnenah Synod Relief Fund atangin hetiang hian chhawmdawlna pek a ni.

S.No	Khua/Veng	Pek chhan	Chhungkaw zat	Pek zat
1.	Phaizau	Damlo	2 ₹	20,000/-
2.	Phaizau Dinthar	Damlo	1 ₹	10,000/-
			Belh khawm ₹	30,000/-

☐ **Hruaina Eng TV Programme**

04.6.2026 (Ningani)	08:30 pm	: Thupui zir bing
05.6.2026 (Zirtawpni)	05:00 pm	: Kristian Naupang Pual
06.6.2026 (Inrinni)	05:30 pm	: Puitling Sunday School Zirlai
07.6.2026 (Pathianni)	07:00 am	: Sermon - Upa David Lalnunluanga
09.6.2026 (Thawhlejni)	06:00 pm	: Nilai zan thupui
	08:30 pm	: Kohhran Chanchin - Ramhlun Vengchhak Kohhran

☐ **FM Zoawi - Aizawl & Lunglei : Hruaina Eng Radio Programme**

June 5, 2026 (Zirtawpni) @ 7:30 p.m. :

Solo	: Lalmuanpuii Khiangte - Lalpa ka lo kir e
Zaipawl	: Republic Veng Bial Zaipawl - Lal sut vuanin
Thusawi	: Rev. T. Chawikhuma - Rinawmna
Solo	: Johny C. Laldinpuia - Min chawi sang a
Zaipawl	: Khawzawl Vengthar Bial Zaipawl - Lal Isua ka nei

☐ **Moderator leh Executive Secretary-te Programme :**

Rev. John Raldosanga, Moderator Programme:

June 6-7, 2026	North Hlimen Bial
June 9, 2026	CCM Executive Committee

Rev. V.L. Luaia Hranleh, Senior Executive Secretary Programme:

June 9, 2026	CCM Executive Committee
June 10, 2026	Bungtlang Pastor Quarters hawn
June 11, 2026	Research Base-a Kohhran Hmathlir khaikhawmtu Group Meeting

Rev. Dr. K. Lallawmzuala, Executive Secretary Programme:

June 6, 2026 (Zan)	Mission for Odisha Conference
June 8, 2026	Hospital Consultative Committee
June 9, 2026	CCM Executive Committee
June 10, 2026	Women Centre Committee
June 11-12, 2026	John Williams Hospital Committee - Lunglei
June 14, 2026 (Zan)	Tlangnuam Kohhran

Rev. Dr. Rosiamliana Tochwawng, Executive Secretary Programme:

June 5-13, 2026	Mission Programme - Cambodia leh Philippines
-----------------	--

